

葆元錄

桂庵修訂

65
同治壬申重鐫

每部計大錢
壹百貳拾文

葆元錄

蕭山怡怡山堂藏板
如有願印送者問衙
後街聚奎齋刻字店

葆元錄序

元者善之長也於時為春於人為仁故善不在仁外仁不在心外人亦復其本心而已矣夫自親親以至仁民愛物皆此元善之心擴而充之非此心之外別有所謂善焉者乃或見人為善而非笑之阻撓之是不知善為吾心固有之良而生理幾滅絕矣又或外襲好善之名而於家庭之際涼德甚多是欲行仁而先失其本猶未可也茲編以葆元名蓋以元善之心通乎萬事為善之道統於一本故首列倫常終及報應而并附以經驗良方亦欲使人各保其元氣而無失其元善云爾

道光甲辰年二月初吉

蕭然居士謹識

同治壬申年八月上澣

重梓

條例

一感應篇陰騭文覺世經等篇善書中載此者甚夥諒
好善君子
久已誦習茲故不復登梓

一萬惡淫為首百善孝居先故是編所載果報惟此二條較多閱此
者幸留意焉

一是編選採良方頗為審慎且係經驗者多他如藥味險惡者恐見
病誤治適足貽害故雖有良方概從割愛

一方中開載人參皆仍古方之舊今用之可將高麗參或黨參作代
勿以人參難得并棄其方

盡倫

居家

勸世

新增溫氏母訓

經驗良方

內科

傷科 附湯火傷

女科 附達生編

眼科

急治 附解毒賦

律已

出仕

報應

外科

兒科

喉科

中暑

附吊脚痧方論

雜治

附戒烏烟方

補難產神效方并雜治方

新增蘇沈良方

新增瘧痢三方

新增雜治方

附知命戒期

瘋犬咬傷人其毒最烈十傷九死此方傳自異人屢試屢驗見者務當傳抄送人不可秘惜不傳圖利其本身及子孫既得永免犬咬且獲善報倘得不傳意圖取利見死不救以致貧苦之人一時無錢耽延時日而死者必獲惡報慎之

咒語

一三三四五金木水火土此人被狗咬我者五隻虎吊從背上
走吃尽天下狗謹請南斗六星北斗七星吾奉
太上老君急急如律令

治法



治瘋犬咬符式

先取淨水一碗用指在水面上寫天字再按先後次序寫五個吊字以第五个
吊字傍由這一撇留在後撇以便轉圈隨寫隨念咒完畢再於泥泥上乃此符念
此咒符咒又畢飲碗中水一口噴在地上書符安然後將土鏟起手捻成團

服破肉偏未破亦
至於死者仍須將
衣服破處對準在
原處照之前醫治云
不靈驗

盡倫

生再擦以上玉為度如傷在衣上仍須將咬傷衣服有窟窿處對準肉上
傷口在衣上摩擦受傷一日以內可醫過期不能醫治醫後忌淫色及一切發
食百日傷處須買活物放生極步三百條命愈多愈妙

姜森勸忠歌

何代無忠臣而爾甘碌碌俯仰愧天人腐朽同草木

嗟嗟爾臣工股肱及心腹衣爾者文繡食爾者梁肉爾若負朝廷斷

然死刑獄聞者共稱快見者不悲哭我思古忠臣實惟聖賢屬春草

平原秋水曲江綠忠魂兩如在廟食誰能瀆嘉言爾當導善行爾

當續世有貪利徒胡椒八百斛見利即忘君愛錢過阿六平生讀何

書素行不檢束又有貪位者日不滿所欲鐘鳴漏已盡夜行不知旭

百計事逢迎僥倖免斥逐賢才遭嫉妬僚友鮮和睦徒為妻子謀積

儻金與玉不惜人怨言不顧人耳目好官我為之笑罵恬不辱傷哉

此輩人齷齪復齷齪上為祖宗羞下貽子孫毒縱得逃法網終必入

地獄我願濟時英。化作照天燭。德澤被遐荒。耀光及幽谷。處常効靖
共處變蹈鼎鑊。但知扶大義。絕不計私曲。如此報君恩。何愧食天祿。
足為邦家光。足為後昆福。大則高門閭。小則廣孳畜。赫赫青史中。萬
世尚芬馥。人生在天地。滄海渺一粟。爾欲參三才。奚用我多囑。奸邪
慎勿為。恩歡慎勿鬻。惟求盡忠孝。庶以勵風俗。我作勸忠歌。句句皆
忠告。青雲路上人。莫作等閒讀。

王中書勸孝歌 孝為百行首。詩書不勝錄。富貴與貧賤。俱可追芳
躅。若不盡孝道。何以分人畜。我今述俚言。為汝效忠告。百骸未成人。
十月懷母腹。渴飲母之血。饑食母之肉。兒身將欲生。母身如在獄。父
為母含悲。妻對夫啼哭。惟恐生產時。身為鬼眷屬。一旦見兒面。母命
喜再續。自是慈母心。日夜勤撫鞠。母卧濕簾席。兒眠乾被褥。兒睡正

安穩母不敢伸縮兒穉不嫌臭兒病甘身賸橫簪與倒冠不暇思沐浴兒若能步履舉足慮顛覆兒若能飲食省口恣所欲乳哺經三年血汗幾百斛劬勞辛苦盡年將十五六氣性漸剛強行止難拘束衣食父經營禮義父教育專望子成人延師課誦讀慧敏恐疲勞愚怠憂碌碌有過常掩護有善先表暴子出未歸來倚門繼以燭兒行十里程親心千里逐兒長欲成婚為訪閨中淑媒灼費金錢釵釧捐布粟一旦媳入門孝思遂衰薄父母面如土妻子顏如玉親責反睜眸妻詈不為辱母披舊衣衫妻著新羅縠父母或鰥寡為兒守孤獨父慮後母虐鸞膠不再續母慮孤兒苦孀悻忍寂寞身長不知思饒餌先兒屬健不祝哽噎病不知伸縮衣服或單寒衾枕失溫燠風燭忽垂危兄弟分財穀不思創業難惟道遺資薄忘却本與源不念風與

木蒸嘗亦虛文。宅兆何時卜。人不孝其親。不如禽與畜。慈烏尚反哺。羔羊猶跪足。人不孝其親。不如草與木。孝竹體寒暑。慈枝顧本末。勸爾為人子。經書勤誦讀。王祥卧寒冰。孟宗哭枯竹。蔡順拾桑葢。賊為奉母粟。揚香拯父危。虎不敢肆毒。伯俞常泣杖。仲平身自鬻。郭巨埋生兒。丁蘭悲刻木。如何今世人。不效古風俗。何不思此身。形體誰養育。何不思此身。德性誰式穀。何不思此身。家業誰給足。父母即天地。罔極難報復。親恩說不盡。略舉粗與俗。聞歌憬然悟。省得悲義夢。勿以不孝首。枉戴人間屋。勿以不孝身。枉著人衣服。勿以不孝口。枉食天五穀。天地雖廣大。不容忤逆族。及早悔前非。莫待天誅戮。孚佑帝君勸弟文。人生最親切者。無如兄弟。同此父母。同此氣血。同此胞胎。安可不同此天懷乎。幼時總角。玳瑁衣。糕果共食。竹馬同騎。

出入嬉遊。不離跬步。何其相愛相樂也。及至長成。分居授室。或因妻妾枕言蠱惑。或因朋友簧語動搖。或因財產利心攘奪。有此三者。遂使友愛頓成嫌隙。手足化作戈矛。讎心切齒。鬩牆之鬪。由是來矣。不知朋友勢衰。則去利盡。則疏。一有患難。畏避不暇。誰肯赴湯蹈火。為之拯救。兄弟雖大怨大恨者。義難坐視。情難忍然。理上說不去。亦當挺身而出。為之百方營解。而後已。故吾見朋友援溺者甚少。而兄弟救難者實多也。是朋友不如兄弟者如此。妻妾情意相孚。恩愛交篤。或有不幸。中道死亡。安保琵琶不上別船。此時親戚流涕而送子女。牽裾而哭。毅然另嫁。曾不回頭。遺孤在室。屬之何人。兄弟情關骨肉。義難棄捐。理上行不去。自當為之撫養教誨。使之成人。而後已。故吾見妻妾棄子者儘多。而兄弟存孤者不少也。是妻妾不如兄弟者又

如此。嗚呼。世人亦何苦溺妻妾而讎兄弟。信朋友而疏手足哉。至于財產。乃祖父所遺。爭之奪之。或鬪或訟。各不干休。祖父在堂者。豈不痛心歿地者。焉能瞑目。謂一生辛苦勤劬。本作兒孫之久計。反為豚犬之爭端。安耶否耶。而況兄弟者。同氣同根。譬如一樹兩枝。一枯一榮。譬如一身兩足。一能行。一不能行。彼枯而不能行者。則已矣。彼榮而行者。勢能久乎。何不思之甚也。孰若互推互讓。不奪不爭。上以安祖父之心。下以敦同氣之好。使根枝敷榮。手足扶助。其為計不亦大。而可久哉。吾願世人有兄弟者。當回想幼年總角時。糕果竹馬嬉遊。曾幾何時。離離白首。霜染鬚眉。正宜相友相愛。培田氏之荆。溫姜家之被。書張公之忍字。猶恐不及矣。思之思之。其毋忽。

元始天尊夫婦箴 和與不和。判自初婚。以敬節愛。以性約情。情愛。

真至白首。女親。身如。愛。源。性。淫。不。言。必。耳。無。意。不。元。海。三。利。
欲振大綱。婦以習慣。謂夫反常。爾攻我敵。兩不肯降。門庭鼎沸。骨肉
參商。恩極成忍。自古為然。我勸世人。謹之於先。不因貌陋而生嫌。
不因才拙而生嗔。不因門第而長傲。不因姬妾而易心。不因家貧而
薄愛。不因久病而寡恩。不因患難而失顧。不可外戀而忘情。如手如
足。如瑟如琴。淳風翔洽。淑氣導迎。天心默佑。共享遐齡。

唐翼脩續絃論

凡人一夫一妻。兩皆壽考。固無論矣。或不幸而中

年失偶。再為續娶。則後妻與前妻之子。極是難處。故後妻非必不賢。
前子非必不孝。彼此猜疑之心起。遂使歡笑變為怒罵。骨肉變成仇
敵。一言也言之者無心。聽之者有意。一禮也失之者無心。觀之者有
意。漸至失歡。終成大憾。為父者豈可聽不明之婦。與童穉之子。兩相

攻擊而釀成大害耶。須背後訓其子曰。事繼母當和氣婉容。不可剛暴使氣。又須私下導其妻曰。凡後母愛前母兒。賢名易出。無心之失。不可認真。更察其心跡之隱微。善以調停之。使其相安。不然。鮮有不傷殘者。中間又有陰毒之婦。怒其子不形于聲色。或當面說好話。復從閒言冷語中指摘其短。無識之夫。聽之日久。便落其圈套。以為子真不孝。遂亦變心。橫加鞭撻。嗟嗟稚子。一身誰為倚賴。所賴者父母之愛耳。母既陰毒。父又變心。可憐無倚無依。惟有鬱抑一死而已。回念前妻何忍出此。特發此端。以為有子再娶者鑑。

楊椒山公訓子語。凡與人相處。第一要謙恭誠實。同人做事。勿辭勞苦。躲懶。同人飲食。勿貪多不讓。同人行路。勿棄伴不顧。同人寢卧。勿佔好床席。寧讓人。勿使人讓。我寧容人。勿使人容我。寧喫人虧。勿

使人喫我虧寧受人氣勿使人受我氣人有恩於我則終身不忘人有仇於我則即時丟過見人之善則向人稱揚不已聞人之惡則絕口不對人言覺人之詐防之而不宣諸口有人向你說某人感你之恩則曰他有恩於我我無恩於他感者聞之其感愈深有人向你說某人訕謗你則曰他與我最相好恨者聞之其怨即解人勝過你則恭敬而求教不可揜飾護短人不如你則謙和而遜讓不可鄙薄逞長與人相交久而益密則無怨尤矣

李之彥先生朋友論 君子以文會友以友輔仁友之者友其德也當親密之時握手論心必使君臣父子之倫兄弟夫婦之倫粹然一出於正此交友第一義也世變日薄友道掃地惟酒饌追隨語言相譁術數相勝於是規圖便利諂諛取容此妾婦耳非友也啗以濡沫

甘效奔走。此奴隸耳。非友也。惟恐少有櫻拂而取疏遠。故隨事苟徇。而覲親密。乘其父子之睚眦。即導之以不慈。不孝。乘其兄弟之鬩牆。即導之以不友。不恭。乘其夫婦之反目。即導之以不琴。不瑟。謬引古今。眩亂是非。指鹿為馬。野鳥為鸞。皆此等輩也。其間稍有見識廉恥者。必浩然而去。所友者惟小人。抑亦何所不至哉。

朱文公戒子書。交遊之間。最宜審擇。大凡敦厚忠信。能攻吾過者。益友也。諂諛輕薄。傲慢褻狎。導人為非者。損友也。以此求之。百不失一。但恐自己偏僻卑汙。不能克己從善。則益友不期踈而日遠。損友不期親而日近。此須痛加檢點。而切革之。不可荏苒漸習。自趨于小人之域。戒之慎之。

韓魏公立身格言 事父母須順性推情勝如死後追薦友兄弟當
相愛相敬勿聽耳邊唆構報君恩宜竭誠而盡忠裕國用在節用而
愛民宗族隣里實意和諧足徵謙讓之風窮親故舊倍加用情始見
義氣之深擇師傳以訓子孫禮神明而申誠敬以恕己之心恕人則
交全以責人之心責己則過寡刻意凜持法紀實求不愧衿影語言
和婉雖大事能消人之憤議論錯愕雖小事易致人之怨戒忿怒破
遠害關頭避酒色得養身要務欲斷他非先自正喜人規諫方知過
言行擬之古人則德進功名付之天命則心閒怒氣方盛不可發書
接言富貴初來切戒傲物縱志勿託相知出言太戲勿過脫略舉動
猖狂脩身莫若謹避強莫若順知止當自除妄想安貧須自禁邪心
悖情逆理祈福不靈時乖運蹇枉求何濟遇大事確有主張不可驚